

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Clavis Raymundi Lulli

Lullus, Raimundus

Leiptzig, 1612

Das eilffte Capittel / Calcinatio Lunae pro opere

[urn:nbn:de:bsz:31-95712](https://nbn-resolving.org/urn:nbn:de:bsz:31-95712)

Das eilffte Capittel /

Calcinatio Lunæ pro opere.

WIm ein Vnz fein luna, drey
Vnz argenti vivi, erstlich las
das geblettert Silber im Diegel warm
werden / darnach schütte das argentum vivum
darauff / vnd rüre es mit einem Stecken / dar-
nach thu es in einen Essig mit Saltz / vnd reibe
es in einem hölzern Mörstel / mit einem Stem-
ppfel / die Vnsauberkeit wasche davon / also thu
ihm biß es wol amalgamirt werde / darnach
wasche es mit gemeinem Wasser / das warm vnd
rein sey / darnach drücke es durch ein rein leinen
Tuch / vnd das im Tuche bleibt / thu wieder
drey Theil Saltz darzu / vnd reibe es vnd wasche
es wol / vnd calcinire auff zwölf Stunden / dar-
nach reibe es wieder mit frischem Saltz / vnd
solches zum drittenmal / so oft biß es zu einem
vntastlichen Pulver werde / wasche es mit war-
men Wasser / biß die Saltzigkeit alle davon
kömpt / darnach truckne den Kalck / so
wird er gar weiß seyn.

Ad fa-

Ad faciendum oleum

Tartari.

WIm einen guten Tartarum,
den calcinir im Referber zehen
Stunden / darnach stos ihn klein / vnd
lege ihn auff einen Marmel / das er sich resolvir
an einen kalten Ort / also wird er in ein klares
Del resolvirt / wann es nun also resolvirt ist / so
distilirs durch ein Filtz vund behalts / vnsern
Kalck damit zu imbibiren.

Menstruale foetens, damit vnser
Kalck in ein argentum vivum reducirt
wird / wenn er mit dem oleo
Tartari imbibirt ist.

WIm Victril 2. Pfund / Salpeter ein Pfund / Zinober drey
Bntzs / las den Victril roth calciniren /
vnd stos ihn darnach / mische den Salpeter vnd
Zinober darunter / stos alles wol / vnd thu es
in einen lutirten Kolben zu distiliren / thilir
erstlich mit lindem Fehr / wie der Brauch ist /
disß Wasser distilir offft / die feces so am Bo-
dem bleiben / wirff weg / so wird dein menstru-
um wol distilirt seyn.

Ein

Ein ander menstruum den lapidem zu dissolviren.

Im roten Römischen Vitriol drey Pfund / Salpeter 1. Pfund / Zinober drey Vntz / reibe es alles auff einem Marmel / darnach thu es in einen grossen starcken Kolben / vnd geus darauff ein aqua vitæ, das siebenmal rectificirt ist / thu es in einen sinum equinum, auff funffzehen Tage wol sigillirt / darnach setz zu distiliren in ein linde Fehw / biß das Wasser alles herüber sen / als dann sterke das Fehw / biß der Helm weiß wird / als dan las erkalten / vnd nim den Recipienten weg / sigillirs mit Wachs / vnd behalts zum Brauch.

Nota, das menstruum sol siebenmal rectificirt werden durch die distillation, die feces soltu stets weg werffen ehe du es zum Werck nimpst.

Finis Claviculæ.

